



2021-2026

# MANIFESTO

NATIONAL UNITY PLATFORM

**ACHOLI  
TRANSLATION**

**A NEW  
UGANDA**



Kwir ma ibolo bot the National Unity Platform obedo kwir me:

Tela ma paro pi Dano weng

Nongo Pwonye ki Kony me Yot kom m'opore

Dongo ma Dano Weng nongo lim

Gwoko Ngom, Lonyo ma tye ikin wa & Kan m'orumu wa

Gwoko kuc Pa Dano weng ki Kube ikin dano Igang Tic

Ngo ma NUP bino timo: Dwe abicel M'obicake .....	2
Tela ma paro pi Dano weng .....	4
Ngo ma National Unity Platform bino timo.....	4
Ngo ma NUP bino timo .....	4
Mino dano weng Kwan m'opore ki Kony me yot kom .....	5
Ngo ma NUP bino timo .....	5
Kony me Yot kom M'opore pi dano weng .....	5
Kwan m'opore pi dano weng .....	5
Ngo ma NUP bino timo .....	8
Nongo pi .....	9
Ngo ma NUP bino timo .....	9
Dongo Lobo pi Dano weng.....	10
Ngo ma NUP bino timo .....	10
Pur ki Tic me rec.....	10
Bedo ki Mac.....	11
Ngo ma NUP bino timo .....	11
Medo cente ikum tic ma kwako ngec me nyony me kompyuta, Cako jemi m'anyen ki Biacara ma tino .....	12
Ngo ma NUP bino timo .....	12
Apoka poka ikin co ki mon i yot kom, Kwan ki Dongo Lobo.....	12
Nongo Cente ma mite me Tic .....	12
Gwoko Ngom, Lonyo ma tye ikan wa & Kan ma orumu wa .....	14
Ngo ma NUP bino timo .....	14
Gwoko Kuc pa dano weng.....	15
Ngo ma NUP bino timo .....	16
Kube Ki Lobo Mukene .....	17

### Ngo ma NUP bino timo: Dwe abicel M'obicake

I dwe abicel m'obicake wa bi neno ni dano weng nongo pwonye ki kony me yot kom m'opore, wa bi ryemo can ikin dano ki neno ni dano obedo ki lim ma konyo gi. Wa bi;

### Juku Bale

Wa bi yube me ka mino cente me kwan kun wa lubo jemi angwen ma juku balo cente m'alube eni:

1. Balo cente, tic ki cente ma nok nok ki bene mukene ma p'ore weng bino gik. Kumbedi wa neno trillion ma dwong ma wa romo dwoko. Tic me neno kit ma cente ki bedo ka balo kwede bino wot anyim.
2. Aloka loka me dog tic pa Gamente
  - Cako gamente ma tidi kun wa ribo tic ma cal acala i Ministri ma patpat, Jange ki Dul.
  - Weko mino dano tic me wibye ma balo cente abala
  - Dwoko cente ma myero kony lwak ento orweny pi camocana ki goro me tic kun cente eni bino nonge ikum cente ma myero mi lutic macalo pwoc ento wa bi ngolo ne ki bot lutic m'orwenyo cente pa lwak.
  - Cako tic me juku camocana kun wa moko cik ma miyo lwak twero me neno kit ma gamente tiu ki cente kwede. Dul ma cung pi twero pa dano bino bedo kit wero me kwedo kit ma gamente tiu ki cente kwede ka ce ki tamo ni camocana tye ka time.
3. Kwanyo woko lon ma nongo ki deno me konyo kwan ki yot kom ci pe ki tiu kwede

Wa bi mino cente ma konyo purugam me yot kom ki kwan, kwan nge ciniya, ki pwonyo ngec bot bulu kun wa waco ki dano m'omiyo wa lon ma dong pwod pe wa tiu kwede kit m'opore macalo.

- purugam me Uganda Intergovernmental Fiscal Transfers (UgIFT) ma nongo ki deno million \$106.18 me konyo gamente ma tidi yubu tic me yot kom ki kwan 2018/19.
- La kodi tim man otime ikum purujek me pwonye pi dano ma dong otyeko kwan ciniya; imwaka 2018 ki deno US\$200m me kwan ento ki tiu ki US\$60m (30%) keken pyen gamente p'obin oculu ne kit ma nongo winye obedo kwede.
- Inge mwaka adek pacenti aparwi abongwen keken ikum milion \$21.8 ma ki deno me purujek me Skills Development (USDP) onongo ki tiu kwede.
- Ikare ma dong purujek me Higher Education Science and Technology (HEST) ogik, onongo dong ki tiu ki pacenti pyer abic wi adek ikum lon eni. Purujek me Uganda Teacher and School Effectiveness (UTSEP) obin ogik i mwaka 2019 inge tic ki pacenti pyer abic wi angwen ikum lon me milion \$100.
  - Cente mukene ma ministri ma dongo kwayo langec ma weko ministri mukene ma tino labongo cente pe ki bi mino boti.

**4. Kwedo Banyu**

- Wa bi neno magoba ma ki culo pi lon ma p’otime pi goro pa ngat m’omiyo lon eni onyo camocana pa ngat m’ogamo ne ki goro ne. Kit cul magi pud wabi juku ne ki cente dong me timo purugam pa gamente.

**5. Neno mucolo ma pwud ki gengo**

Kampuni ma pol pe culu mucolo kit me cik tito kwede. Pati me National Unity Platform bino neno pingo man tye kit eni wek cente ma aa ikum mucolo omede. Cente eni bino bedo me kwan, yot kom ki dong kony mukene ma mite.

**Dwoko Cente ma ki kwalo**

NUP bino timo jemi weng ma twere ki kony pa Public Accounts Committee (PAC) ki komiti ma kwedo kit ma tiu ki cente ma aa ibot gamente, Statutory Authorities and State Enterprises (COSASE) me dwoko cente ma myero kony dano ka ce ki kwalo onyo pe ki tiu kwede ma ber. Wa geno lobo mukene ma miyo kony ma dongo Uganda bino konyo wa ka nongo cente man ma nongo ki kano iyi bang ma tye bot gi.

### Tela ma paro pi Dano weng

#### Ngo ma National Unity Platform bino timo

- Dwoko kare ma Adwong Lobo bedo kwede iloc
- NUP obi bedo gamente ma lubu cik.
- Lunywali me Uganda bino bedo ki loc ma woro dano ki twero pa dano, neno ni ki winyo koko pa dano kit ma mite kwede, ki dong jange pa gamente ma ngeye bene timo tic pa lwak.
- Dwoko gen ki dong tek cwiny ma mite pi dongo wa, kuc ki dong loc ma ber myero bed tye ka biacara omyero wek dano ocak tic ma kelo dongo lobo.

#### Mon imoko tam ma kwako wi bye

- NUP obi medo wel pa mon ma bedo itela me wi bye irwom weng wek obed ma romo pacenti pyer abic, kit ma the Africa Charter on Democracy, Elections and Governance tito kwede.

#### Gamente ma pe tiu ki cente ma dwong matek

##### Aloka loka me dog tic pa Gamente

Me bedo ki gamente ma pe tiu ki cente ma dwong matek NUP bino;

- Ribo kacel Ministri ma tye i Gamente ma dwong, Jange ki Dul (MDAs),
- Dwoko wel pa dano ma bedo i kabniet wek p'okat pyer aryo wiye abic,
- Dwoko wel pa lucungu i palyamen wek p'okat my'acel ki pyer abic,
- Weko mino Tic me Wibye ma Balo Cente,
- Cono ki moko Winye ma kwako Tic ikin lutic ma dongo ki gamente.

#### Ryemo Camocana

- **Mino twero bot lwak**  
Moko cik ma miyo twero bot lwak me neno kit ma gamente otiu ki cente. Ngat ma cwalo koko pa dano / Ngat ma kwedo tic pa Gamente bino gamo apeny ma lwak penyo ma kwako ikweda ma opici eni timo.
- **Gwoko dano ma miyo ngec ikum camocana**
- **Dwoko jemi ma nongo ki kwalo ci ononge bot dano ma camocana ma dongo kot otye pidone**

#### Juku Goro ma nen itic ki Balo Cente

- Cente bale ma dwong ka gamente oculu fain me cente, pwod onyo cente ma kot moko ni ki mi ngat ma dong oloyo pidu pi goro m'onen itic. Adugi me balo cente tye ni cente bedo ma nok me timo tic ma mite.
- Wel cente ma ki balo kit eni ikin mwaka 2014/2015 ki 2018/2019 romo 24,909,253,883 mwaka ki mwaka. Kato wel cente ma mite me poko la jol remo pi mwaka acel bot lunyira ma kwano puramari ma malo ki bene ma kwano tic cing me wek gu bedi igang kwan.
- Loc pa NUP bino neno ni lutic pa gamente culu cente ma gi balo. Cente man ka ki dwoko ki bino tic kede ka timo tic pa lwak.

#### Ngo ma NUP bino timo

Loc pa NUP bino neno ni dano weng onongo kony me kot kun wa ribe ki dano mukene wek wa kwanyo jemi ma gengo dano nongo kony ka gu cero i kot.

#### Mino ngec ma kwako twero.

Bedo labongo ngec ma kwako twero pa dano ki/onyo kit ma myero kot nen kwede turo twero pa dano.

#### Kwanyo Jemi ma gengo Dongo lobo

Dano pe ki kero me nongo kony me kot, pacenti pyer aryo ikum lu ngol kop ki kot tye ki cente ma konyo gi winyo koko pa dano.

**Weko kot p’ogal ngol kop ma tye**

Ngolo kop kumbedi tyeko ikin mwaka adek ki angwen

**Kwanyo peko ma kwako Cente ki dong Goro me kom dano**

Dano ma tye ki angwal me kom pe romo bedo kan ma jemi ma konyo gi pe iye.

**Mino dano weng Kwan m’opore ki Kony me yot kom**

Kony me yot kom ki kwan obedo kite me gwoko yot kom obed ma ber ki dong nongo ryeko ki ngec ma dano mito wek kwo ne obed ma ber.

Mino kony bot dano ma gengo peko ma patpat weko dano ma nongo tek.

**Ngo ma NUP bino timo**

**Kony me Yot kom M’opore pi dano weng**

NUP bino timo aloka loka ma dong yubu kwan me puramari ki yot kom me rwom ma malo pi dano weng.

- Medo wel cente ma neno tic me yot kom wek obed 15% ikum bajet oa i 6.1%.
- NUP bino cako yuba me mino dano weng kony me yot kom wek gu bed ma kom gi yot Wa bi;
- dwoko cente ma con kibedo ka balo wek okony ki purugam me pito dano weng.
- tyeko gero odi ma nongo p’otum, yubu gange kwan me puramari ki odi yen ma goro. Wa bi gero odi yat kan me pwod pe ki mo.
- NUP bino neno kit ma wa romo bedo ki lutic ma romo bene wa bi tic kacel ki luditu me yot kom wek onen kit ma wa bi nongo lutic m’orem.
- Loc me NUP bino poro lok ki World Bank ki dul mukene ma miyo cente me den wek cente p’obale bene ki ngol woko den ma p’okelo aloka loka ma ber. Cente ma ki bino gwoko bino bedo pi yuba me tic me yot kom pi dano weng.

**Kwan m’opore pi dano weng**

NUP bino loko kit ma kwan tye kwede i Uganda kun wa timo aloka loka ma lube eni;

Wa bi cako pulan ma dwong me neno ni gang kwan acel me Uganda tye ki jemi weng ma mite ki lu pwonye.

- Medo Cente ma mite me kwan
- Mino cente me cako Gange kwan Pa Lutino ma pwod tino ada ikin gange gi  
Mino la tin acel acel kero me cako bedo ki kwo ma ber kun wa miyo cente me cako gange kwan ma nonge ikin gang (HLCs) wek lunyodo bene otim ngo ma mite pi kwan pa lutino gi wek lunyodo bene otim ngo ma mite pi kwan pa lutino gi, wek gu bed dano m’okwano HLC wa bino woro leb ki tekwaro me kany. HLCs weko lutino nongo kwan ikin gange gi labongo cero kan ma bor.
- Noko kwan ma dano ma tye ki goro me kom obed ma cegi kwed gi
- Medo wel lutino ma kwano pramari
- Medo wel lutino ma tyeko pramari wek okat pacenti 38
- Medo rwom me Kwan ki Coc wek okat pacenti 33 ki dong ngec me tic ki cura okat pacenti 45
- Medo wel buk ma konyo lutino wek obed buk acel pi lutino 2 ento pe kit tye kwede kumbedi ni lutino 2 buk 5

- Dwoko gin ma dano ma tye ki goro me kom tiu kede me kwan ki dong gero kan ma lwak twero kwan iye
- Cako kite me mino dano kwan ki bene nongo ngec ki wiyamo
- Kwanyo kit la geng ma tye ikum cero igang kwan
- Jemi ma romo gengo cilkom ki dong bedo ki jemi ma mite me cilkom: gero coron ma beco (ma dogola ne tye), medo wel coron ma lutino cero pyen kumbedi dong lutino 75 weng gi cero i coron acel ento wa bi dwoko obed coron acel pi lutino 40.
- Mino la jol remo bot lutino anyira ma dongo.
- Tyeko peko me leb kun wa pwoonyo lutino me puramari me ping ki leb me gang ma gi ngeyo.
- Dwoko ping rwom me keng cero igang kwan kun wa kwanyo kec ma kelo keng man. Ki bi mino cam Tyen acel nino ki nino igang kwan.

### **Yubu Kwan me Puramari obed ma ber**

- Giko keng cero igang kwan ma dong kumbedi tye ma romo pacenti 25 ikin lupwonye ki lutino
- Mino dano maro tic me pwony ki dong mino gi mede ki pwony kun wa medo mucara pa lupwonye.
- Dwoko ki mino cente ma neno kit ma gang kwan tye kwede ma dong onongo ki bin omino cente wang m'ogik imwaka 2016
- Mino twero bot komiti ma loyo gang kwan. Neno ni pacenti 50 pa dano ki komiti man obed mon.
- Keto gang kwan obed ma cegi ma pe kato kilometa 1 pi pacenti 70 wek obed nucu pa kilometa kun wa gero gange kwan mukene
- Neno ni gang kwan obed ma cegi bot lutino ma mito kony ki mukene dong ma tye ki goro me kom
- Yubu gang kwan wek obed ma ber
- Dwoko ping wel lutino ma pong iot kwan acel acel.

### **Neno ni meno Dano kwano labongo kit peko mo Igang Kwan**

- Mino ngec ma tito pingo kwan pa dano ma tye ki goro me kom pire tek, medo rwom me pwonye ikwan me SN, cako pwoonyo SNE igange kwan bene konyo lunyodo nongo jemi ma konyo dano ma tye ki goro me kom
- Mino kony me loko leb me pwonye obed leb me gang kun wa miyo kony bot dano me Uganda ma coyo buk i me Uganda ki bene timo jemi ma ki tiyo kede igang kwan ki dong mukene ma patpat.
- Loko gange kwan wek gu bed kan ma lutino anyira bedo labongo lwooro bene ma cwiny gi tek wa ikare ma nongo gi tye ki two dwe.
- Mino lajol remo bot lutino anyira.
- Neno ni coron tye m'oromo igange kwan.
- Ryemo gero ki gange kwan.
- Mino cam igang kwan pi lutino ma pe ki kero me nongo ne kun cam eni nonge ka ma gange kwan magi tye iye. Man twero time ka wa cwalo cente ma beo iwi yamo ma bene dong konyo me neno ni jemi ma konyo tedo ki gwoko jemi bene obedo tye ci bene weko lu pur ma tye kenyo nongo cente.
- Medo jemi ma konyo tedo ki cam bot gange kwan.

## **Kwan me Ciniya**

### **Donyo Ikwan me Ciniya ki Tyeko ne**

- Medo malo pacenti pa lutino ma aa ki puramari ci cero wa i ciniya wek okat pacenti pyer abicel ikum lutino magi.
- Medo malo wel pa lutino ma tyeko ciniya ma tidi wek okat pacenti 30 (pacenti 29.9 ikin lunyira ki pacenti 31.5 ikin luwobe).
- Medo malo wel pa lutino ma tyeko ciniya ma tidi ikin lunyira wek okat pacenti 29.9.
- Dwoko ping wel pa lutino ma tyeko ciniya ma tidi ngayo gi obedo pacenti 37.1 (lunyira: 37.9 ki luwobe 36.4).
- Dwoko ping wel pa lutino ma tyeko ciniya ngayo gi pacenti 37.1 (lunyira: 37.9 ki luwobe 36.4).

### **Pwonyo Ngec**

- Neno ni cente ma ki deno me pwonyo ngec otim ngo ma omyero tim. Kan ma kare me culu lon magi otum, NUP bino poro lok ki dano ma miyo lon magi wek cente obed tye me pwonyo ngec.
- **Purujek me Uganda Teacher and School Effectiveness (UTSEP) 2015 – 2018**

Onongo obedo ikare me purujek me UTSEP ma dong rwom me kwan ki coc ki dong ngec me kwano cura igang kwan me puramari odok ping.

Kitimo purujek man ki lon me milion \$100 ma kare me culu ne obin otum ma dong ki tiu ki pacenti 54 keken.

- **Purujek me Higher Education Science and Technology (HEST)**

HEST bene pe ki tiu kwede ma ber.

Gange kwan m'obin obedo i purujek eni pe gu tito kit ma gi tiu kede cente ma romo bilion Shs.1 ci dong poko cente eni obin ogik. HEST otime ki kony pa Global Partnership Fund ma dong oweko kwan ma ngec ki miyo iwiyamo obedo yot pyen pire tek ma tek ikare man ma dong two Covid-19 tye ni.

- **Purujek me Uganda Skills Development (USDP) - MOES (World Bank) 2016 - 2021**

Kitimo USDP ki kony me lon pa World Bank ma romo milion \$21,800,000 me pwonyo bulu ma romo 45,000 ki ngec me tic ma mite ma obin otime ikabedo angwen ma Dano Nongo Pwony iye (CoEs) ki Gange Kwan 12 ma dongo.

Ki tiu ki pacenti aryo keken.

### **Kwan me Yunivasite [ngo ma mite ikum Dano me Gang Kwan]**

Uganda tye ki gange kwan aboro ma dongo ma calo Makerere ki mukene aryo ma miyo dano digri ka gu tyeko kwan. Pacenti abic ikum bulu ma pwod kwano tic me cing, tye igange kwan me tic me cing – pacenti 4 ikum anyira m'opore ki pacenti 5.9 ikum luwobe m'opore tye igang kwan me tic cing (World Bank, 2014).

Wel cente ma ki me tic bot gange kwan me yunivasite onongo obedo bilion Shs.606.09 (\$163,220,340.00) i FY 2017/18. Cente man oa ki bot lutino ma culu kwan ma megi, kony me cente ma woko ki mukene ma onongo ki kany. most courses charge close to half of Uganda's income per capita of about \$800 or Shs. 2,971,608. Alib angwen ikum lutino 20,091 ma gamente culu kwan ma megi i Makerere butu woko. Lutino kwan ma pe butu igang kwan nongo kony me cente mo me butu ki cam.



Nucu pa cente eni bedo me culu lu tic (pacenti 59), pacenti 11 ikum cente me konyo lutino kwan ki wilo jemi ma mite, ki pacenti ma pe kato 2 me dongo lutic. Gange kwan me tic cing mukene bene tye kit eni.

### **Timo ikweda ki dong Cako jemi ma nyen (R&D)**

- Medo wel cente ma ki miyo me R&D wek okat pacenti cel pa GDP.
- Medo wel cente ma ki miyo gang kwan ma dwong me Makerere me timo kweda, wek okat pacenti cel pa cente ma gamente miyo bot Makerere.
- Medo wel cente ma ki miyo dul me Uganda Virus Research Institute.

### **Kwan me Nono Ma nonge woko**

Lobo ma romo angwen ma miu wa kony obin oculu cente me kwan pa lutino 339 me Uganda.

- Mino kwan me nono ma lobo ma lobo ma romo 248 omino wa wek ocake.
- Yubu kit ma ki miyo kwede kwan me nono. Bod ma neno kit me mino kony me cente me kwan bot lutino me gange kwan ma dongo kumbedi tiu ku bene Ministri ma loyo kube ki Lobo mukene ki dong me kwan bene oweko bulu wa p'onongo gum eni.

### **Ngo ma NUP bino timo**

#### **Dongo pa Latin ma tidi: Mino latin acel acel kwo ma ber.**

Wa bi mino lutino weng kwo ma ber. Man tye kit eni pyen NUP mito ni latin acel acel omyero bed ki kwo ma ber, labongo paro kan ma en oa iye. Wa bi mino latin acel acel ma mwaka ne tye ikin 3 o wa 5 kwan me nono pi mwaka 2.

NUP bino timo tek me medo wel Gange kwan ma nonge ikin gang wek obed ma pol. Kit yuba eni weko lunyodo bene timo ngo ma mite pi kwan pa lutino gi, miyo gi kero me bedo ki gange ma tye ki dano m'okwano bene ye ni gu ti ki leb ma gi ngeyo ki tekwaro gi. Bene konyo pwonye kan ma gin aa iye labongo cero kan ma bor.

### **Cono Lutic: Bedo ki lu pwonye ma beco**

- Ki bino neno kit ma ki miyo tic ki coyo la pwony me Uganda. Nge mino tic, NUP cike me medo mucara pa lu pwonye ma tye ki karatac me kwan gi.
- Lu pwonye ma kicwalo ka tic kan ma kwo tek iye bino nongo cente mukene me kony ma pat ki mucara.
- Pe wa bi ye keng cero igang kwan, ki tunu igang kwan ma kare okato ma dong obalo kwan.
- Pyen lunyodo ma mon ki bene mon mukene ma timo tic ma kwako kwan pir gi tek, pacenti pyer abic ikum lumemba ma loyo gange kwan bino bedo mon.
- Lu memba pa komiti ma loyo gang kwan ki lunyodo bino bedo ki twero me penyo lu pwonye pingo gi keng ka pwony igang kwan.
- Roto gange kwan bino cake dok bene cente bino bedo tye me timo tic eni wek gamente wa onge wel lutino ma wa tye kwede ki kan ma gi nonge iye ilobo man.

### **Pwonyo Tic Cing ki Ngec**

Gamente obin otu ki bilion Shs.239.931 pi purujek me dongo kwan (gedo ki dong wilo jemi ma mite). Purujek ma nok ma pe kato nucu obin obedo ma ber. Ngo m'omyero timere p'onen pi kare ma romo dwe adek (pacenti 28) ikum purujek ci dong mukene niango ne tek.

- NUP bino loko kit ma purugam weng ma tye ka time, ma pwod mito cente me timo ne me kwan me nongo ngec medo ki me Biacara, Tic cing ki dong mukene (BTVET) m'ocake i mwaka 2016 ki lon me milion \$100, purujek me Uganda Petroleum Institute Kigumba (UPIK), purujek me Albertine Sustainable Development, purujek me WB funded Skills Development, purujek me

OPEC Fund for International Development (OFID) me tic cing irwom me II, pwonye me II me tic cing ki kony me cente pa IDBIII.

Me neno ni purugam eni okonyo bulu me Uganda wa bi;

- Medo malo pacenti pa bulu ma gi nongo pwony me tic cing.
- Neno ni ki tiu kwede cente ma tye ka bedo abeda, bene myero bed pi gin ma ki yubu pire.
- Dwoko cente me lon ma tiu kwede ikit ma rac wek ki tim ki projek m'onongo pore.
- Loko kit ma ki tiu ki cente me lon me pwonyo ngec me tic ki bene dong dwoko cente mo m'orweny wek okony tic ikum purugam macalo
- Loko Wer, Tuku mukemo myel onyo wer ki mukene ki dong tuku ma time i di bar wek ki med ikum jemi ma lutino kwano igang kwan
- Medo tuku mukemo myel onyo wer ki mukene ki dong tuku ma time i di bar ikum jemi ma ki pwonyo igang kwan kun wa pwonyo lu pwonye mite ki bene mino jemi weng ma mite.
- Medo tuku mukemo myel onyo wer ki mukene ki dong tuku ma time i di bar ikum purugam ma kwako biacara wek obed macalo tic ma kelo cente bot lutuku.
- Tyeko tic me Teryet High Altitude Training Centre
- Yubu lek me Akii Bua. Teryet dong ogale pi mwaka abiro.

### **Kwan me rwom me Yunivasiti**

- Neno kit ma culu kwede kwan, ki dong loko kit ma ki miyo lon me kwan bot lutino wek dano weng obed ki gum me nongo lon me culu kwan.

### **Kwan pa Jo ma dongo**

NUP bino mino gum mukene bot dano ma gi weko kwan wa con. Ikin mwaka aryo ma dong wa gamo loc wa bi;

- Neno ni ki cako kwan pa dano ma dongo ki kabedo weng kun wa miyo cente m'oromo ma mite wek otime.
- Nongo lutino ma kwano tic cing wek gu pwony kwan ki coc bot lunywali me Uganda ma con p'okwano.
- Medo malo rwom me kwan wek okat pacenti 76.5 (Pacenti 70.8 pi lunyira ki pacenti 82.6 pi awobe imwaka 2018)
- Dwoko ping wel pa dano ma p'okwano ikin mon ki co. pacenti 76.5 i mwaka 2018 (pacenti 70.8 lunyira ki pacenti 82.6 lu wobe) (wel dano ma dongo pa p'okwano obedo 5,322,655 - 3,429,267, mon ki 1,893,389 co).

### **Nongo pi**

Bedo ki pi obedo twero. Pi ma cil pe tye m'oromo kit ma mite kwede ci bene dano mukene pe twero ka nongo ne. Lunywali me Uganda ma romo milyon 13 ma pe ki pi ma cil.

### **Ngo ma NUP bino timo**

Pi ki cil kom myero ki yub ma NUP kene twero tim kit tic eni. Kony me yot kom myero bed m'oromo bot dano kit ma nongo tye kede con. Man bino time kun wa konyo dano ma dong pe romo ka nongo kit kony eni ki kum gi.

- Wa bi neno ni dano mo okwalo kony ma ki miyo me cil kom kit ma ki timo ikum mac ma nongo ki ti kacwalo i caro ki jemi me pur pa NAADS.
- Wa bi mino kony me cente ma gang acel acel bino tic kwede me wayo pi wek obed ma cegi kwed gi ma nongo ne pe tero kare ma kato dakika abic.

- NUP bino dwoko ping wel cente ma ki balo kum jemi ma pir pe tek ci dong wa bi medo cente ma wa miyo pe poko pi ki gwoko kan m'orumu wa wek dano ma mito ne gu nong.
- Cente mukene me konyo tic me poko pi macil bino nonge ikum cente m'omyero cul lon. Inge kwedo banya ki juku culu mukene ma dongo culu ne odoko tek onyo pe ki tiu kwede ma ber, wa bi poro lok ki wegwi wek wa nen kite me culu magoba ne ma myero wa cul.
- NUP ye ni pacenti mya acel ikum dano me Uganda myero bed ki pi me ka mata macil ma cegi ki gange gi. Wa tamo ni mwaka pyer abic wi- abongwen inge Uganda gamo loc myero tam pi mino kony ma mite ki kume: pi ma cil pi dano weng.
- Wa bi kwanyo kit apokapoka ma tye ikin pacenti pyer abicel ikum lutino ma bedo ka yweko pi nino ki nino pi dakika maromo pyer adek ki pacenti pyer angwen ikum lutino ma bedo ka kwan onyo ka tuku.

### Cil kom

- Wa bi dwoko ping wel pa dano ma romo pacenti 22.9 ma pe ki coron i caro ki pacenti 12.1 pa dano ma bedo i boma.
- Wa bi gwoko kan m'orumu wa kun wa miyo fain bot dano m'ocako bicara me yubu jemi ma patpat pe ka gu balo nam, pi ma mol ki bene kulu.
- Ite loc pa NUP, lutim biacara bino neno ni gi goyo pulan me tic m pe balo kan m'orumu wa. Pe wa bino ye kit tim ma balo kan m'orumu wa pyen dongo lobo tye ka time.

### Dongo Lobo pi Dano weng

NUP bino bedo ki gamente ma neno ni dongo lobo obedo pi dano weng pe pi dano ma nok kit ma kumbedi tye kwede.

Can tika mede madong oromo pacenti pyer aryo wi-acel ma kun lim ma tye ka nonge omede wang aryo pyen con obedo trilion Shs. 64 i mwaka 2010/11 ci otunu wa trilion Shs 128 i mwaka 2018/19

Rwom me can cake ki pacenti 6.8 ma tidi dong loyo oo wa pacenti 60.2 ki Karamoja kan ma dong dwong ma loyo.

### Ngo ma NUP bino timo

Wa bi kwanyo jemi ma gengo dongo lobo macalo bedo ki cente ma nok me timo biacara; nok pa jemi ma mite (dwonge obedo mac ma nok me tic ki dong yoe ma reco); ngec ma nok ma pore ku ki ma mite; jemi m'aa ki bot lobo mukene ma wel gi yot bene nongo ber ku.

### Pur ki Tic me rec

#### Ngo ma NUP bino timo

Wa bi;

- Medo wel cente ma wa miyo pi pur wek oa ikum pacenti 4.2 obed pacenti 10.
- Neno ni gamo Jemi ma mite me Pur obedo yot (kodi ki jemi mukene ma konyo ngom ceko cam) and Extension Support
- Neno ni gamo nyony ma mite me Pur (macalo twakta) obedo yot ki dong kony me ngec me gwoko cam nge kwanyo ne ki poto (macalo kidi rego, nyony me gwoko cak ki mukene me kweno jemi wek p'obale)
- Neno ni gamo cente me den obedo yot

- **Dwoko Dul ma Ribo lu pur kacel**

Timo tic pa dul ma ribo lu pur kacel ongayo gamente ki dano mukene bene. NUP bino neno kit ma wa romo dwoko dul ma ribo lu pur kacel wek cuk ononge, wel jemi obed ma ber, wa nen kite me gwoko cam inge kwanyo ne ki poto, ki dong mino ngec.

Dul ma ribo lu pur kacel bino bedo ki ot gwoko jemi i Mombasa, ki leyo jemi me pur, ki dong jemi ma konyo timo ikweda ikum kodi.

- **Yilo malo rwom me yubu Jemi pur ki kany**

Wa bi neno ni jemi ma mite me pur ki yubu ne ki kany macalo kodi, fertilisers ki yat ma neko kwidi. Ikweda ikum vermiculture bino time ki bene wa bi neno ni ki tiu ki kodi jemi mukene ma pe balo ngom.

Pe dong wa bi jenge ikum jemi ma aa ki woko, ma dong pacenti ma dwong ononge ni ber ku.

- **Medo wel kodi me Uganda puru**
- **Yubu ki bene mino cente ma konyo tic pa odi ma neno Two ma balo Pur**
- **Dwoko dul ma loyo ka namo ma cegi ki pi (BMUs)**

Wa bi dwoko BMU wek dano weng ma timo tic ma kwako rec gu mi tam gi ikum tic me rec. Wa bi kwanyo woko lweny ma maro bedo ikin lumak rec ki keya ka wa kwanyo tic eni ki bot keya pyen pol kare wano lumak rec. NUP bino gwoko twero ma kwako tic me rec.

- **Dwoko Tic ma kwako Konyo Lu Pur**
- **Weko nongo cente ma konyo tic me pur obed ma yot kun wa cako miyo Kit Cente eni**
- **Yubu kan ma nongo konyo kiru pi ma dongo cam ikare me ceng ma dwong**
- **Miyo cente m'oromo me gwoko yoe ma konyo dano**

### **Jemi m'acato bot lobo mukene**

- Neno kit ma wa romo loko winye ma kwako biacara ma tye ikin wa ki lobo mukene wek cuk ma wilo jemi m'aa ki Uganda obed ma dwong.
- Neno ni timo bicara obedo yot kun wa dwoko ping wel cente ma mite me cako ne ki medo timo ne.
- Konyo mon ki bulu ka deno cente kun wa yubu kit ma yuba pa Youth Livelihood Programme ki Women's Enterprise Programme for sustainability tye kwede.

### **Dano ma timo Tic ma kwako namo**

Tic eni opong ki SMES, ma pol gi pe ki coyo. Wa bi mino kony bot dano ma timo tic ma kwako wer ki namo ki dong SMEs wek gu dong malo.

- Pwonye me timo tic magi bino bedo tye i purugam me pwonyo ngec ma patpat.
- Wa bi moko cik ma gwoko tic pa dano ma gi yubu wek pe ki kwal.

### **Bedo ki Mac**

#### **Ngo ma NUP bino timo**

- Medo malo wel dano ma tye ki mac igang gi ki caro ma kumbedi obedo pacenti abiro wek obed pacenti pyer abicel ikare ma romo mwaka apar.
- Neno ni caro mukene ma pol gu nongo mac.

- Dwoko cente ma romo Shs. 3,405,000,000 ma nonge ne ki bot la pangica ongayo dul me REA wek okony me kubu mac ikin caro.

### Medo cente ikum tic ma kwako ngec me nyony me kompyuta, Cako jemi m'anyen ki Biacara ma tino

#### Ngo ma NUP bino timo

- Medo cente ikum tic ma kwako ngec me nyony me kompyuta ki kany, cako jemi m'anyen ki Biacara ma tino. Ngo ma wa bi tim obedo konyo dano ma timo biacara ki jemi ma mite wek gu dong biacara gi.
- Lwongo coke wek dano ma cako jemi m'anyen owac bot gamente ango ma gengo gi nongo kony me cente. Adugi ne bino bedo cik ma konyo dano ma cako jemi m'anyen ki kany.
- Gwoko twero pa dano ikum ngo m'en otimo macalo mere
- Miyo cente kan ma ler ma konyo cako jemi m'anyen ki bene purugam me cako jemi m'anyen ki nyony me kompyuta

#### Wilo Jemi ma nonge kany me Tic

- Gamente obi wilo jemi ma mite me ICT kibot lucato ne ki Uganda wang ma dong pe nonge.
- Ka ce myero ki wil ki woko, wa bi mito ni lucato ne ki woko myero cwal kwac me meg i kacel ki lucato ne ki Uganda.

#### Cente Ma konyo Lutim Biacara

- Konyo dano me Uganda ma tye ki ngec me ICT wek gu nong cente me cako biacara, wa bi moko cik ma kwako bedo ki "cente ma konyo lutim biacara". Cente eni bino bedo pa lu memba, bene gamente pe bino bedo ki kit wero mo ikume.

### Apoka poka ikin co ki mon i yot kom, Kwan ki Dongo Lobo

#### Mon igang tic

- Wa bi moko cik ma ye ni dano obed ki lutino gi igange tic ma meg i
- Wa bi moko cik ma gengo mito mon tek tek ki gang tic ki dong wunu gi.
- Konyo mon nongo tic labongo peko, wa bi dwoko ping wel mucolo ma dano ma miyo tic culu ka ce gi miyo tic bot mon ma romo 30%.
- Ki bino tito wero pa Mon ma tye ki goro me kom i cik weng, iyuba ki purugam ki bene mino cente ma bino konyo ka timo jemi eni.

#### Dano ma tye ki Angwal me kum ki dong Kit Kwan ma gi mito

Mon ki co ma tye ki angwal gubedo dano ma pir gi tek bot lwak. Pi ber bedo gi myero gu; nong kwan labongo peko, pwony m'opore ki bene p'omyero pok gi ki bot lwak.

- NUP bino mino cente wek ki wil ki jemi ma mite ki dong pwonyo ki konyo Dano ma tye ki Angwal ikum gi.
- NUP bino mino kony ma mite me tic ki anyut pi dano ma pe waco ki dog ki dong nyonyo ma konyo lu to wang ka kwan ki gange kwan ma dongo ki ka coke bene.

#### Nongo Cente ma mite me Tic

#### Kwedo Banya

Wa bi kwedo banya wek wa nen lon ma kit ye ka culu kumbedi onyo ki bi culu ikare m'anyim ento dong ki tyeko kwalo onyo balo woko. Wa bi leyo tam ma kwako culu kit lon magi ki dano ma omino wa wek gu ye ngolo gi.

### Gengo balo Cente

Loc me NUP bino neno ni cente obedo tye me dongo lobo pi dano weng. Wa bi gengo balo cente pi camocana ki goro me tic, bene wa bi keto cente ikum purujek ma dongo dano weng.

Cente ma romo gwoke ma yot nen ikum gi wot pa ladit me lobo. Dege me Lear Jet ki mutuka aparwiabongwen ma en cero kwede obedo jemi ma pe mite pyen ludito me lobo me mino wa kony pe gi bedo ki kit gi wot macalo man ma en tye kwede. Wa bi cato dege me Lear Jet ma twero kelo wel cente ma romo milion \$20. Ka wa cato ne nongo wa romo gwoko wel cente ma romo milion abicel ma con onongo bedo me tic ikum dege man.

Cente man ma bino nonge nge cato ne ki dong cente ma bino dong mwaka ki mwaka ma con onongo obedo me piko mo ki yubu ne bino dong bedo me tic ma konyo nyodo kun wa tyeko ki yubu odi nywal pa mon ki mukene manyen me ICU ma tye iodi yen ma dongo. Wa bi tyeko tic ikum ot yat ma dwong me Mulago Specialised Hospital.

Wa tyeko neno wel cente ma Uganda romo gwoko mwaka ki mwaka ikum purujek mukene m'otur ento pwod wat ye ka culu cente me tim gi, kit ma lube kwede ni:

#### Gengo bale: Culu cente me Purujek m'obale pi goro pa ngat m'omiyo lon eni

	Shs	US\$
Purujek me Power III (Dam me mac me Bujagali)	569,710,800,000	153,000,000
UPE	1,158,039,600,000	311,000,000
Purujek me yot kom me Distwik	167,562,000,000	45,000,000
Purujek me II me Dongo lobo & Gwoko cente	287,424,684,000	77,190,000
Purugam me yubu Tic pa Lutic pa Gamente	75,589,080,000	20,300,000
NAADS	199,212,600,000	53,500,000
Purujek me yubu gi wot	655,353,600,000	176,000,000
	<u>3,112,892,364,000</u>	<u>835,990,000</u>

#### Cente ma bino nonge ikum ribo ki kwanyo dul me tic mukene ki lu tic me wibye

	Shs
Mucara pa Lu mi tam	53,000,000,000
Mucara pa dano m'obedo RDC	15,000,000,000
Mucara pa lu lube RDC	10,000,000,000
La lo wi Minista mukene	300,000,000
La lub la lo wi Minista mukene m'okwongo	208,800,000
La lub la lo wi Minista mukene m'aryo	208,800,000
La lub la lo wi Minista mukene m'adek	208,800,000
Opici pa la lo wi Minista mukene, cente me mucara	4,423,980,732
Dul tic ma ki ribo ki ma ki kwanyo	<u>1,000,000,000,000</u>
	<u>1,083,350,380,732</u>

	Shs
Wel cente ma nok ma wa bi tic kwede mwaka ki mwaka	30,000,000,000

#### Dwoko Cente ma nongo ki kwalo

	Shs
Ma orweny ki akoun pa ot yat me Lubowa	139,000,000,000

**Cente ma bino nonge ka wa tiu ki cente ma nok (ma lube ki Bajet me 2019/20) Shs**

Coke ki Kwan	214,815,958,210
Ber bedo ki Namu	78,000,000,000
Nongo kony me daktar ilobo ma tye woko	53,730,000,000
Kwena me ngec ki PR	78,860,000,000
Buk, coc ma dwong m'akwana ki karatac m'akwana	621,730,000,000
Magoba ma ki culu ikum banya	544,650,000,000
	<u>1,591,785,958,210</u>

**Gwoko Ngom, Lonyo ma tye ikan wa & Kan ma orumu wa**

**Ngo ma NUP bino timo**

**Ngom**

- NUP bino neno ni tic me cato ki wilo ngom otime ka ma ler kun wa nongo ngec weeng ma kwako ngom ma tye kany & tic ki nyony me kompyuta ka ma tic ma kwako ngom time iye.
- Ki bi yubu ngo nongo ki balo ikare ne nongo ngec ma kwako ngom.
- NUP obi kelo woko Cik Ma Kwako Nyom ki Poke wek winye obed tye ma dong gwoko twero pa co ki mon me bedo ki jemi.
- Wa bi neno ngo ma Ripota pa Bamugemereire tito ki wa bi neno kit ma jemi m'en tito bino time kwede.
- Wa bi neno Ripota pa Bamugemereire wek cak timo ngo ma ripota eni tito.

**Gwoko Kan m'orumu wa**

*Dano ma balo kan m'orumu wa p'obedo dano ma neno can pe bal eni. En peko eno. ~ Wangari Maathai*

National Unity Platform ye ni kan m'orumu wa tye pi wan weng, bene ni dano ma tye ka tic k ikan m'orumu wa tye ka gwoko ne pi dano ma ki bi nywalo ikare m'anyim.

- NUP mito ni twero ikum kan m'orumu wa myero bed bot dano me Uganda ki bene myero ki cak gwoko ne ma ber.
- Kulu, abung, nam, pi ma mol oo wa kan ma bor ki lonyo mukene bene ki bi gwoko ki cik ma kwako ngom ento pe ngo ma adwong lobo bedo ka waco.
- Ka ce pe ki moko ma yera m'obi lube p'otum, loc pa NUP obi moko Cik ma kwako kulu.
- Wa bi kelo aloka loka ikum cik ma tye ni wek dano p'obal lonyo ma tye ikin wa.
- Balo kan m'orumu wa bino bedo bal ki bene cik bino tic ikum dano ma timo kit tim eni.
- Lu tim la kodi bal eni omyero cul cente me yubu kulu ma gi balo, yo pi m'ocege, abung ki dong lonyo mukene m'orumu wa ma gi balo.
- Ki bino mino twero ki mot mo bot lwak wek gu dot dano donyo bedo onyo timo tic mo ikin kulu ki dong lutic ma loyo gwoko kulu magi bino tito pingo gu ye kit tim eni onen.
- Wa bi kwanyo woko NEMA ki tic m'en obedo ka timo wa bi dwoko bot Ministri ma loyo Gwoko pi ki Kulu.
- Wa bi kwedo tic pa NFA ki aloka ma cik ye bino time wek camocana obed pe.
- Distwik acel acel bino bedo ki komiti ma loyo kan m'orumu wa (DEC) ma cik ngeyo bene bedo ki cente me timo tic ma mite. Nongo tic i DEC bino time ki moka pa lwak. Lu memba me DEC bino tito pingo gu weko bal otime kan m'orumu wa.
- Ki bi celo woko Kulu bene pe ki bi ye ni dano obed iye.
- Distwik weng bino cono ngom ma nonge iyi abung wek lwak obed ki ngec iye. Man bino miyo twero bot distwik me gwoko lonyo ma tye ikin wa ikum dano ma mito balo ne. Wa bi moko cik ma gengo cato onyo mino jemi ma tye ikin wa bot lutim bicara kit ma dong kumbedi tye kwede.

- Wa bi dwoko tic me gwoko kan m'orumu wa bot DEC. Tic me gono pulan ki me moko cik ma con onongo NEMA timo wa bi dwoko bot Ministri ma loyo lok me Ngom ki dong Ministri ma loyo lok me Pi & Kan m'orumu wa.
- Distwik acel acel bino bedo ki yuba me gwoko kan m'orumu wa wek p'obale bene dong ma pwod ber.
- Cono lutic ma bino neno ni pe ki balo kulu ci bene ki bino pongo karatac ma miyo twero me timo kit tic mo iyi abung.
- Ngo ma mite me konyo ki pito yen wek otu kan ma nongo con ki balo. Ki bi culu ne ki cente m'ononge ki bot dano ma oturu cik ne.
- Factori ma ki gero ki mukene ma gi tye ka gero i kulu bino culu fain mwaka ki mwaki ka ce pwod gi tye kenyo. Cente eni bino bedo me celo wang kulu ki yubu gi wek obed ma ber.
- Tim me ye ni dano obed kan ma con ki celo woko pe wa bino ye pyen dano bino balo kany.
- Neno ni ki gwoko kan m'orumu wa kun ki pwonyo kit me gwoko ne ki gang kwan bene. Cako purugam ma pwonyo dano weng ni omyero ki gwok kan m'orumu wa.

### Lonyo tye nonge ingom

- Wa bi neno ni ki wilo ngom ma lube ki cik kun wa nongo ngec ma kwako ngom weng ma tye & ki dong loko tic pa dul ma loyo ngom wek otim ki kompyuta.
- Wa bi neno tic pa dano ma gi kwanyo lonyo ma tye i ngom wek dano bedo kan ma kit lonyo eni nonge iye macalo dano me Rupa i Moroto bene obed ki twero ikum tic eni. I kare m'anyim bino kong winye ki dano eni ma pwod gu cako tic.
- Pi dano ma tye kenyo, pacenti mo me cente ma nonge ikum kwanyo kit lonyo eni bino konyo tic me yot kom ki kwan.
- Wa bi tic kacel ki dul me Mineral Watch wek onen ni ki woro twero pa dano bedo kan ma lonyo eni nonge iye.
- Wa bi tic kacel ki dul me Mineral Watch wek onen ni pe ki kelo lutino ka tic kan ma tic eni tye ka time iye.
- Ki bi mino lancec kan ma ler, nying lutim biacara bino ngeye wek gu tit pi bal ma megii ka ce otime.
- Wa bi cono dano ma nongo lonyo ma tye i ngom ci bene wa bi gwoko twero gi.
- Wa bi gwoko twero pa dano me jolo pi nongo yen me tedo ki kwano dyange gi.

### Gwoko Kuc pa dano weng

NUP tamo ni kuc tye ma pat pat. Pe obedo gwoke ikum lutim arenyi ma woko onyo kit bura ma twero nen ikin dano. Ngo m'obedo ka time ma cegi ni opwonyo wa ni gwoko kuc bene obedo gwoke ikum two macalo Ebola ki Covid-19. Obedo bene gwoke ikum kwidi mo macalo bonyo ki mukene, ki aloka loka me ping macalo kot ma dwong ki ceng ma dwong ma weko kit ma wa pite kwede ki dong kwo wa doko tek.

Gwoko Kuc pa dano weng bene mitu ni meno wa gwoko lwak ikum peko macalo bedo labongo tic ki can madwong ki cam ma nok ki dong cwer cwiny m'aa iye.

Gwoko Kuc pa dano weng twere ku labong yo, mo ki cam m'ogwoke, cente ma ki gwoko pi peko ma romo nen ki dong ber bedo pa dano weng.

Wa romo bedo ki kuc ka ce wan weng wa tye ki twero ikum jemi wa, wa pe ki banya ma culu ne tek.

Ci dong ngo ma myero wa cak timo me gwoko kuc pa dano weng en obedo neno ni jemi pa lwak ki tiu kwede me dongo lwak.

Tic me gwoko jemi ma nen, abili ki keyi tye me neno man otime. Camocana balo gwoko kuc pa dano weng. Ento marac tye ni, ilobo wa eni, gwoko kuc obedo gwoko gamente ki lu rem ne ikum dano.



Lulonyo bene pe gi paro can ma dano ma pol tye kwede pyen gin ki gwoko gi ki muduku. Kit gwok man ki mino bene lutim biacara madongo ma woko ikare m'okati nge gin kwayo ne.

Gin ma abili p'otimo en obedo mako dano ma tye ka camocana. Tic pa abili dong oloke oa ikum gwoko dano ci obedo kelo lworu ikum dano. Gamente tiu ki keya me buru dano kun nongo can tye ka mede ameda, two ma pol bene tye ki dong kony me dano omyero nong ki bot gamente bene pe.

#### **Yubu tic pa Abili Wek Obed ma ber**

Ki balo cente pa UPF ikum cako jange m'abili mukene ma tye ite loc pa dano mukene ma pat ki UPF ento bene gi tiu cente ma ki miyo abili me tic.

Tim eni weko dano laro jemi ma mite ma beco, jemi doko manok, kony me yot kom ki dong ngeye ki nongo rwom igang tic ma kelo ikum dano mukene ma deg kit tim eni, ki gero ma dwong ikum lutino kwan ki dano weng ma wa tye neno kumbedi. Ite loc pa gamente me NRM ki loko UPF obedo abili ma ger, pe paro pi dano bene ye camocana.

Myero wa lok cal pa UPF wek obed abili pa dano weng labongo kit apokapoka mo iye.

#### **Gero ma gamente keto ikum dano ki dong Keya**

##### **Ngo ma NUP bino timo**

##### **Aloka loka ikum tic pa abili: Cako abili ma Cung kene, Ma opwonye, Ma ber, bene abili ma paro pi dano**

- NUP bino loko Uganda Police Force (UPF) wek obed Uganda Police Service (UPS).
- Neno Cik ma kwako Tic P'abili wek abili ocung kene.
- Wa bi gwoko UPS ki bot jang gamente me malo kun wa neno ni gu timo tic gi labongo kit lworu mo ki dong yubu kit ma ki miyo gi tic ki dong kit ma ki kobo gi ki gang tic.
- Neno dano ma tye ka donyo gu kwano bene wor kit m'opore kwede.
- Gamente wa p'obi cako jange m'abili mukene ma turo twero pa dano ki bene bal nying abili. Abili bino bedo ma Kit gi ber bene ma gu kwano.
- Loko tic ki dong kit ma mon ki co ma ruku yunifom bedo kwede.
- Lutic bino culu cente ma gamente orwenyo ikum culu wak pi jemi gi ma nongo obale.
- NUP bino neno ni lwak okonyo abili kun nongo UPS lwak ma tye kan ma gi tiu iye.
- Macalo lutic pa gamente jemi ma nongo con abili nongo bino gik ka ce en ogamo camocana onyo otuu ki opici ne ma rac. Lutic bino culu cente ma gamente orwenyo ikum culu wak pi jemi gi ma nongo obale.

##### **Aloka loka itic pa Keya**

- Macalo ki abili, wa bi loko keya obed ma paro pi dano bene obed ma dano geno, m'acel myero ki wor keya ki bene dano ma timo tic me keya.
- Ite loc me NUP, UPDF pe bino bedo me neno ni pe ki turu gamente ento bino bedo me gwoko dano weng. Pe ki bino dino keya me buru dano.
- Bulu ma tye ka donyo myero bed ki gen me nongo mucara ki dong gwok ma ber. Wa bi mino gum me nongo pwonye manyen bot dano ma tye ka timo tic me keya.
- Wa bi neno ni UPDF oworo twero ki tam pa dano weng me Uganda ma kwako wibye.

##### **Gwoke ikum can ma poto atura**

Wa bi;

- Neno ni Jang ma neno kit ma ping tye kwede tye ki Jemi me tic m'opore kare ducu.
- Yubu Kan ma ki romo gwoko Lutwo iye ikare me two wek p'onya. Magi bino bedo ka gwoko dano ka ce kot obedo ma dwong ma reto wudi pa dano.

- Cono lu daktare ma neno kit ma two tye kwede i distwik weng. Kumbedi dano ma la kodi tic eni nok ada.
- Ma dong pire tek tye ni wa bi lubu Cik ma loyo kit ma gamente gamo ki banya ki bene wa bi bedo ki cente ma konyo ikare me peko, man obedo gin ma gamente ma kumbedi tye i loc timo ku.
- Mino pwony ki kony me mite bot keya wek gu kony jang gamente mukene (jang me pur ki yot kom) me kiro yat ikum kwidi ki kit two mukene ma nya.

### Kube Ki Lobo Mukene

#### Kuc ki Gwoke

- Wa bi woro twero pa lu ring ayela kun nongo wa tiu kacel ki dano mukene ilobo weng wek wa nen ngo ma myero ki tim.

### Kube wa ki lobo ma wa cegi kwede ki East Africa ki dong Africa weng

- Loc pa NUP bino neno ni lobo weng ma tye i Africa gu kube. Kube wa bino bedo me neno kit wa romo tyeko can ma time atura ki dong yubu gi wot ikin wa weng.

### Gwoke ikum can ma poto atura

- Wa bi kube ki lobo mukene me East African Community wek wa nen kite me cobo peko me yot kom ki kwidi.

### Regional Transport

- Gi wot pire tek me kuc kit ma otime kwede pyen Uganda p'omino kony ikum two Covid kit ma pore kwede. Gin ma pire tek eni pe ki gwoko ma ber cake i mwaka 1986.
- Loc pa NUP pwod bino juku SGR wek wa gar me East Africa m;obi konyo cwalo jemi wa wek ki wil ki Naivasha i Kenya, wa Tanzania ki dong kan m'orumu Rwanda, DRC ki S. Sudan.
- Wa bi dwoko wot ki gar bene ki pi pyen kit wot magi pe mitu cente ma dwong, ber, obedo m'oyot, pe kelo peko ikum ka m'orumu wa. Bene gi gwoko yoe wa wek gu bed ma ber.

### Gwoko lunywali me Uganda ma tye Woko

- Kit ma dong lobo tye ka mede ki kube ni, wel dano wa ma tye ka cero kan ma patpat bene omede. Wan wa mito ni dano omyero wot labongo kit ageng mo keken, ki dong myero ki gwok twero ki kuc pa dano wa weng kan ma gin nongo tye iye, kun wa tiu ki opici wa ma ber ma kubu wa ki dano mukene.
- Uganda tye ikin lobo 5 ma pud nongo cente madwong ki bot lunywali ne ma tye woko. Cente man tye ma romo bilion Shs1.3 mwaka ki mwaka ma dong rom ki cente ma wa nongo ikum dano ma limo ka bedo ma patpat bot wa.
- Kun gamente p'obin omino gi kony kare ma nongo gi mito ni ki gwok gi ki kum lanlod ma oryemo gi ikare ma two me Covid ocake. Gamente be p'okonyo gi pyen obin odegi dege me nono ma nongo ki mino wek odwok dano gang. NUP cike ni man p'obi time wang mukene. Con ka dong wa gamo loc wa bi neno ni lobo mukene bene gu woro wan. Lunywali me Uganda ma tye woko myero bed ki twero macalo dano mukene, myero ki wor gi kit ma wa romo dano m'aa ki woko me bino bedo ilobo ma meg wa.

### Gengo kit tim ma Dano me lobo mukene Bwolo lutic wa ki cente ki dong Kit bal mukene bene

- Kwo ma dongo oweko can obedo i Uganda. Wa bi neno ni cik tiu ikum lutim bal wek dano nge ni cik tye ma tiu.
- Wa geno ni dano mukene ma miyo wa kony bino neno ni gi mako bene ki tweo dano ma miyo bene gamo camocana wek wa dwok cente ma ki kwalo ci ki kano ci ki tiu kwede iyo ma patpat.

Wa bi neno ni pe ki ye dano weng ma camocana me kano cente ibang ki tic ki lim ma gi kwalo ilobo mukene ma kube kwede wa. Wa bi neno ni bene dano weng ma tye ka lwi nge camocana odugu i Uganda wek cik oti ikum gi.

**Timo Biacara Ki Lobo Mukene**

- Loc pa NUP bino kube ki lubo mukene ka timo biacara m'obi konyo wan weng.
- Wa bi bedo ki pora ki dul me EAC, European Union ki dano mukene wek jemi m'aa ki Uganda onong cuk bot gi.